

Ո Ր Ո Շ ՈՒ Մ

Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

21.03.2018թ.

ք.Երևան

Ճանապարհային ոստիկանության պետ, ոստիկանության գնդապետ Եզր  
Կարապետյան, վերանայելով Սիմոն Սիմոնյանի դիմումի շուրջ ստեղծված նյութերը

**Պ Ա Ր Զ Ե Ց Ի**

2018թ. փետրվարի 20-ին Երևան քաղաքի Գյուլբենկյան փողոցի 36-րդ շենքի 10-րդ բնակարանի բնակիչ Ս.Սիմոնյանը դիմումով հայտնել է այն մասին, որ իր նկատմամբ կայացվել է վարչական տույժ նշանակելու մասին ԱԴ 438313 որոշումը, որի հետ համաձայն չէ, քանի որ իր կարծիքով այն ոչ իրավաչափ է:

Դիմումի ուսումնասիրությամբ պարզվել է, որ 2018թ. փետրվարի 4-ին, ժամը 02:00-ին Երևան քաղաքի Բաղրամյան պողոտայում քաղ. Ս.Սիմոնյանի կողմից վարած «Միցուբիշի» մակնիշի 35 PG 137 հաշվառման համարանիշի ավտոմոբիլը կանգնեցվել է ճանապարհային ոստիկանության ՃԴԾ 1-ին սպայական գումարտակի 7-րդ սպայական դասակի ավագ տեսուչ, ոստիկանության կապիտան Է.Բլբուլյանի և նույն դասակի տեսուչ, ոստիկանության կապիտան Գ.Շագոյանի կողմից՝ շարքերի վերադասավորման ժամանակ համապատասխան ազդանշանից չօգտվելու համար: Սթափության վիճակի զննություն անցնելու նպատակով՝ վարորդին ներկայացրել են «Շտապբուժօգնություն» ՓԲ ընկերություն, որտեղ վերջինս հրաժարվել է սահմանված կարգով սթափության վիճակի զննություն անցնելուց, ինչի վերաբերյալ բժշկի կողմից տրվել է թիվ 100281 արձանագրությունը, որի հիման վրա Գ.Շագոյանի կողմից կազմվել է վարչական իրավախախտումների վերաբերյալ արձանագրություն: Կազմված արձանագրության հիման վրա ճանապարհային ոստիկանության վարչական գործունեության բաժանմունքի պետ, ոստիկանության փոխգնդապետ Յ.Կարապետյանի կողմից 2018թ. փետրվարի 20-ին, համաձայն ՎԻՎ օրենսգրքի 126-րդ հոդվածի 5-րդ մասի, կայացվել է որոշում՝ Ս.Սիմոնյանին մեկ տարի ժամանակով վարորդական իրավունքի վկայականից զրկելու մասին:

Ըստ ծառայողների կողմից տրված գրավոր բացատրությունների՝ 2018թ. փետրվարի 4-ին, ժամը 02:00-ին Երևան քաղաքի Բաղրամյան պողոտայում կանգնեցրել են «Միցուբիշի» մակնիշի 35 PG 137 հաշվառման համարանիշի ավտոմոբիլը, որի վարորդը շարքերի վերադասավորման ժամանակ չի օգտվել համապատասխան ազդանշանից: Գ.Շագոյանը վարորդի հետ շփման ընթացքում վերջինիս բերանի խոռոչից ալկոհոլի հոտ է զգացել, ինչի պատճառով նրան ներկայացրել են «Շտապբուժօգնություն» ՓԲ ընկերություն՝ սթափության վիճակի զննության: Ս.Սիմոնյանը հրաժարվել է սահմանված կարգով սթափության վիճակի զննություն անցնելուց, ինչի վերաբերյալ բժշկի կողմից

17-2-13110

տրվել է թիվ 100281 արձանագրությունը, որի հիման վրա Գ.Շագոյանի կողմից կազմվել է վարչական իրավախախտումների վերաբերյալ արձանագրություն: Վարորդը հրաժարվել է ծանոթանալ և ստորագրել կազմված արձանագրությունը:

2018թ. մարտի 21-ին քաղ. Ս.Սիմոնյանը, իր դիմումի քննարկմանը մասնակցելու համար, հրավիրվել է ճանապարհային ոստիկանության ՃՊԾ բաժին, որտեղ գրավոր բացատրությամբ պնդել է դիմումում նշված հանգամանքները, խնդրել է քննարկել և արդյունքների մասին իրեն հայտնել գրավոր:

Այսպիսով, կատարված ուսումնասիրություններով պարզվել է, որ Ս.Սիմոնյանի արարքում առկա է Վարչական իրավախախտումների վերաբերյալ ՀՀ օրենսգրքի 126-րդ հոդվածի 5-րդ մասով նախատեսված դեպքը, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

### Ո Ր Ո Շ Ե Ց Ի

1.Սիմոն Սիմոնյանի դիմումը թողնել առանց բավարարման, իսկ ճանապարհային ոստիկանության ՃՊԾ 1-ին սպայական գումարտակի 7-րդ սպայական դասակի տեսուչ, ոստիկանության կապիտան Գ.Շագոյանի կողմից կազմված վարչական իրավախախտումների վերաբերյալ արձանագրության հիման վրա ճանապարհային ոստիկանության վարչական գործունեության բաժանմունքի պետ, ոստիկանության փոխգնդապետ Հ.Կարապետյանի կողմից 2018թ. փետրվարի 20-ին կայացված ԱԴ 438313 որոշումը՝ Սիմոն Սիմոնյանին մեկ տարի ժամանակով վարորդական իրավունքի վկայականից զրկելու մասին՝ անփոփոխ:

2.Սույն որոշման օրինակներն ուղարկել ճանապարհային ոստիկանության վարչական գործունեության բաժանմունք և դիմումատուին:

3.Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:



Ե.Կարապետյան